

**«Фарғонадонмахсулотлари» АЖ корхонасининг
2020 йил якуни бўйича акционерлик йиғилишига
бошқарув раисининг қискача
Х И С О Б О Т И.**

Ассалому-алайкум ҳурматли йиғилиш қатнашчилари !

2021 йил Ўзбекистон Республикаси Президенти Шавкат Миромонович томонидан **“Ёшларни қўллаб-қувватлаш ва аҳолини саломатлигини мустаҳкамлаш”** йили деб номланиши бежиз эмас, чунки 2020 йил на фақат Ўзбекистон учун балки бутун дунё халқлари учун жуда катта синов ва қийинчиликлар билан ўтди десак муболаға бўлмайди.

2020 йилда “COVID-19” инсоният кўзга кўринмас душман вирус билан жанг қилди, шу жумладан Ўзбекистон Республикасида ҳам бу касаллик чеклаб ўтмади. Мамалакатимизда аҳолини ҳар тарафлама касалликка чалинмаслиги, касалликка чалинганларни ўз вақтида даъволанишлари ва касалликни тарқатмаслик чоралари кўрилди. “Фарғонадонмахсулотлари” АЖ бошқарув ходимлари ҳам жамоа ишчи ходимларининг касалланмаслиги ва касалланган ходимларини даъволанишлари учун имкон даражасида ҳаракат қилдилар. Ишчи-ходимларни ишхонага киришда ҳароратини ўлчаш, шахсий гигиеник предметлар (бир марталик ниқоблар, антисептик воситалар) билан таъминлаш, касалланган ишчи-ходимларга дори-дармон учун моддий ёрдамлар ажратиш каби 85,9 млн.сўмлик ишлар амалга оширилди. Корхона ишчи-ходимларини ковид-пандемия асоратларидан зарарланмаганликларига ишонч ҳосил қилиш ва уларни соғлиқларни мустаҳкамлаш бўйича чора кўриш мақсадида малакали шифокорлар томонидан 38,4 млн. сўмга тўлиқ тиббий кўрикдан ўтказилди ва бунда аёлларга алоҳида эътибор берилиб, барча тиббий таххлиллар ўтказилди.

2020 йилда “COVID-19” шароитида кўпгина ишлаб чиқаришлар тўхтатилиб, ишчи ходимлар ишсиз қолган бўлса, биз каби озиқ-овқат етказувчи ташкилотлар учун бу карантин шароита одатдагидан кўпроқ, узлуксиз ишлаб чиқаришни таъминлаш, ишчиларни жамоа транспортлари юриш ман қилинган оғир шароитларда келиб, кетишини ёки сменалар ташкил қилиб, вахта услубида иссиқ овқат, ётоқ жойлари ва шароитларни яратиб аҳолини сифатли ун махсулоти билан таъминлашга эришиш ҳам осон бўлмади.

Ўзбекистон бугун давлат ва жамият ҳаётининг барча соҳаларини тубдан янгилашга қаратилган инновацион ривожланиш йўлига ўтмоқда. Ҳар қандай ислохот ва ўзгариш барқарор иқтисодиётсиз амалга ошмайди. Шунинг учун иқтисодиётимизни мустаҳкамлаш, юртимизни ривожланган давлатлар қаторига олиб чиқиш учун Президентимиз донмахсулот тизим корхоналари олдида қатор вазифаларни белгилаб бердилар.

Тизим корхоналарида сифат даражаси юқори экспорт талабларига жавоб берадиган юқори сифатли маҳсулотлар ишлаб чиқариш, давлат дон ресурсларидан оқилона тежамкорлик билан фойдаланиш ва уларни миқдор ва сифатини талаб даражасида сақланишини таъминлаш тизим корхона раҳбар ва ишчи ходимларининг биринчи даражали вазифаси эканлигини унутмаслигимиз зарурдир.

2020 йил якуни ва 2021 йил устивор вазифаларда белгилаб берилган республикаимиз тараққиётининг 2017-2021 йилларга мўлжалланган 5 та йўналиши ҳар биримизни ўз вазифамизга янада маъсулият ва жавобгарлик ҳиссини ошириб қарашни талаб қилади.

Ҳар бир жамоа мухтарам Президентимиз айтиб ўтганларидек, ўз ишлаб чиқариш корхонасида энг янги техника-технологиялардан фойдаланган ҳолда, инновацион ғояларга таяниб, ишлаб чиқариш самарадорлигини оширишга, ортиқча харажатларни камайтириш, ишламай бекор турган бино иншоотларда янги лойихалар жорий қилиш, электрон ҳужжат айланишини ва рақамли иктисодиётга ўтиш жараёнида замон билан бирга қадам босишга бутун эътиборини қаратиши лозим.

Ўтган 2020 йил якуни бўйича акционерларга бажарилган ишлар ва йўл қўйилган баъзи камчиликлар бўйича қискача тайёрланган ҳисоботимизни Сиз акционерлар эътиборига ҳавола қиламиз.

«Фарғонадонмаҳсулотлари» АЖ корхонасида 2020 йил давомида маҳсулот ишлаб чиқариш бўйича қуйидаги кўрсаткичларга эришилди: 46031 тонна ун, 26058 тонна омихта ем, 9734 тонна сара уруғлик ишлаб чиқарилган бўлиб, бу амалдаги нархларда 172 млрд. 252,8 млн. сўмни ташкил қилади. (Ўтган шу даврга нисбатан амалдаги нархларда 108,0 фоизни, Таққослама нархларда 137,7 фоизни ташкил қилади.)

Ушбу маҳсулотларни сотишдан 220 млрд. 664,2 млн. сўм маблағ соф тушум тушган, таннархи 168 млрд. 629,4 млн. сўм чегирилганда ялпи даромад 52 млрд. 14,8 млн. сўмни ташкил қилади. Давр харажатлари 26 млрд. 743,2 млн. сўм бўлиб, ундан 62,6 млн. сўми сотиш харажатлари, 2 млрд. 205,8 млн. сўми маъмурий харажатларни, 24 млрд. 474,8 млн. сўми бошқа операцион харажатларни ташкил қилади.

Асосий фаолият фойдаси 1млд. 105,8 млн. сўмни, асосий фаолиятнинг бошқа даромадлари 1 млрд.105,8 млн. сўмни, молиявий фаолиятнинг бошқа даромадлари 684,2 млн. сўмни ташкил қилиб, ундан молиявий фаолиятларнинг бўйича харажатлари 1 млрд. 145,8млн. сўм чегирилганда 25 млрд. 915,7 млн. сўм баланс фойдани ташкил қилади

Молиявий фаолият бўйича жами 1 млрд. 145,8 млн. сўм харажатлардан 254,1 млн. сўми банк кредитларига тўланган фоизларни ташкил қилади.

Баланс фойдадан 4млд. 763,4 млн.сўм фойда солиғи тўлангандан сўнг 21млд.152,4 млн. сўм соф фойдани ташкил қилади.

Корхона ишчи-ходимларига жорий йил давомида 681,6 миллион сўм моддий ёрдам, чорак якунлари, хайит, наврўз ва мустақиллик байрамларига жами 8 млрд. 564,3 миллион сўмлик мукофот пуллари берилди.

Корхона ишчи ва хизматчиларини бозор иктисоди шароитида ҳимоялаш мақсадида 1 млрд.85,0 миллион сўмлик қишлоқ хўжалик маҳсулотлари учун маблағ ажратилди.

Корхона томонидан кузатув кенгаши қарорига асосан ўтган йил давомида бир қатор хайрия ишлари ҳам амалга оширилди. Масалан, “Ўздонмахсулот” АК Бошқарув Қарорига асосан маъмурий хўжалик ишлари учун 3,5 млрд.сўм, мактаб таъмири учун 30,0 млн.сўм, “Генетика ва ўсимликлар” илмий институтига 37,0 млн.сўм, Ўзозиковқат захира-мехр-шавқат жамғармасига 10,0 млн. сўм, Мудофаа Вазирлигига 11,0 млн.сўм, №15 Ҳарбий қисмга 7,5 млн.сўм, Короновирусу қарши кураш бўйича 105,0 млн.сўм жами 3 млрд.845,6 млн.сўм хомийлик ёрдамлари амалга оширилди.

2020 йилда жамиятда яна бир катта масалани транспорт харажатларини камайтириш бўйича амалга оширилган ишни айтиб ўтмоқчиман, бизда дон қабул қилиш мавсумида дон қилиш шахобчаларида қабул қилинган донни асосий корхона элеваторига ташиб олишда ёлланма транспортдан фойдалар эдик, бу катта харажатлар ҳисобига амалга оширилди. Эндиликда корхонамиз ўзи лизинг асосида 3 дона янги “Камаз” русумли юк автомашиналарини, дон уларга бириктириладиган 2 дон дон ташишга мўлжалланган полуприцеп, 1 дона прицеп, 1 дон “Wolks Wagen Caddy” кичик ҳажмдаги юкларни ташишга мўлжалланган мини юк машинаси ва 2 дон юклаб туширишда асосий иш бажарувчи “Lonking” погрузчиклари (жами суммаси 28 млрд. 123,4 млн.сўм) сотиб олинди. Бу 2021 йилда транспорт харажатларини кескин камайтириш билан бирга бир неча ишчимизни доимий иш билан таъминлайди.

2021 йилда “Ўздонмахсулот” АК томонидан тасдиқланган “Манзилли дастур”га асосан юқорида сотиб олинган автомобилларни яхши сақланиши учун гараж ва замон талабига жавоб берадиган янги маъмурий бинони 7,5 млрд.сўмлик қурилишини режалаштирганмиз.

Ютуқлар ўзимизники, улардан руҳланиб, йўл қўйилган қатор камчиликларни эътибордан четда қолдирмаслигимиз зарур.

Корхонанинг ҳар бир ишчи-ходими мавжуд асбоб-ускуналардан оқилона фойдаланиб, Вазирлар Маҳкамасининг 4058-қарорида белгилангандек тежамкорлик ва унумдорликни оширишга астойдил ҳаракат қилмас экан аҳвол шу зайдда давом этаверади.

Корхона маъмурияти томонидан бир неча марта мажлислар ўтказилиб, тушунтириш ишлари олиб борилишига қарамай корхонада тез эскирувчи жиҳозлар харажати катта миқдорда бўлиб, бу давр харажатларининг ортиб кетишига олиб келмоқда.

Қайд этилган камчиликларни тугатиш ва 2021 йилда ушбу камчиликлар такрорланмаслиги учун жамоа бир ёқадан бош чиқариб ҳаракат қиламиз деган умиддамиз ва бунга Сиз мажлис қатнашчиларини ҳам ишонтириб айтамизки, янги 2021 йилда корхона молиявий аҳволини соғломлаштириш ва айланма маблағлар тақчиллигини келтириб чиқармаслик учун барча чора-тадбирларни амалга оширамиз.


Бунинг учун ишлаб чиқариш воситаларидан унумли фойдаланиш, меҳнат интизомини янада мустаҳкамлаш, тежамкорликни яхши изга солиш керак.

Хурматли акционерлар! Сизларга 2021 йил якунлари бўйича асосий айтадиган фикрларимни тугаллар эканман, машаққатли ва оғир синовлар йили бўлиб тарихда қолувчи 2020 йилни муавфақиятли якунлаб, янги 2021 йилги меҳнат фаолиятингизда улкан зафарлар, тинчлик, оилавий бахт, тотувлик, соғлик-саломатлик тилайман.

Эътиборларингиз учун раҳмат!

«Фарғонадонмахсулотлари»

АЖ раиси :



А.Рўзматов